


TRACTVS MIREBALAIS.



Flumina.

Metropo-

lis.

Mirebeau.

Oppida.

Ontermina superiori Lodonensi agro est regiuncula *Mirebalais*, ab oppido *Mirebeau* nomen sortita, Lodonensi minor. Clanio flumine ab oriente, Veuda à septentrione cincta, qui per mediam regionem abit, eamque irrigat. In ea præter *Mirebeau* urbem præcipuam, arce, ac salinis nobilem, etiam occurrunt oppida, *Faye la Vineuse*, *Aurigne*, *Doussay*, *Moncontour*, *Vouzaille* & *Ceaux*. In finibus spectatur ad austrum Pictonum urbs, *Poitiers*, amoenissimo sita loco, clivoso tamen, nisi quod una parte, quam *Tranchæam* patrio vocabulo dicunt, in planitiem abeat; latissimi, si quæ in Galliis alia, ambitus: sed cujus ingens portio ab habitantibus vacua, pratis, vineis, aliisque agrestibus operibus occupata, reliqua excellentibus ædificiorum structuris veneranda. Adluit latus illud *Clanivus*, aqua satis copiosa manans, insulasque deducto alveo, efficiens, qui inde aliquot versus septentrionem miliaribus *Vigennæ* miscetur. Visuntur ibi præter arcem validam, palatium *Gallieni*, vasta Amphitheatri rudera, vulgo *les Arenes*, nota voce; aquæductuum fornices, Roma-

norum hoc loco imperii vestigia. Primarium templum D. Petro est consecratum. Præfuit huic Ecclesiæ D. Hilarius antistes, invictum se gerens Arianis antagonistam, à quo regionem hanc ad religionem Christianam conversam tradunt Ecclesiastici scriptores. Academiam habet florentissimam, cui alter post Parisiensem locus solet tribui. Instituit Carolus VII Francorum rex, anno *ci dccc cxxxi*. Magnas sustinuerunt aliquando incolæ calamitates ab Anglorum aliorumque incursionibus. Medio circiter ab urbe milliari, itinere, quod *Avaricum* Biturigum ducit, in via regia, ingens spectatur saxum, forma quadratum, quinque lapidibus fulcitum, unde vulgo *La Pierre levee*, de eo hoc distichon exstat:

*Hic lapis ingentem superat gravitate Colossum
Ponderis, & grandi sidera mole petit.*

Regio est frugum, pecorisque, lanæ, linique feracissima, vino, frumentoque dives, piscium abundans, avium, ferarumque magnam habens copiam, ejusdemque prorsus cum *Pictaviensi* agro indolis ac genii.

Regionis
indoles.

